

مستطابق

در سعادته باب عالی جاده سنده
اداره مخصوصه
محل اداره :

مستطابق :
مستطابق موافق آثار جدید مع المنوین
قبول اولنور
درج ابدلین آثار اعاده اولنور

دین، فلسفه، ادبیات، حقوق و علوم دین باحث هفته لاق رساله در

مؤسسه : ابوالعلا زین العابدین - ح . اشرف ادیب

درسه دنده	سنه لکی	القی آیفی
ولا پاتده	۶۰	۳۰
مملک اجنبیه ده	۸۰	۴۰
	۸۰	۴۰

تاریخ تأسیسی :
۱۱ خور ۳۲۴

در سعادته نسخه سی ۵۰ پاره در

قبیله دن مقوا بورو ابله کوند ریلر سه سنوی
۲۰ فروش فضله آلنیر

در سعادته پوسته ابله کوند ریلر سه ولا یات بدلی اخذ اولنور

عدد : ۲۹

۱۸ صفر ۳۲۷ پنجشنبه ۲۶ شباط ۳۲۴

ایکنجی جلد

دوشونیورمی؟.. مطبوعات عثمانیه می؟ تبیین و تمیز ایدنلری انجق شخصیات ایچون آغز اچارلردی. حقوق امتی محافظه یالیزیله بومظالمدن شکایت ایچون آکلاشیلان خلیل حماده پاشانک منحل اولان اوقاف نظارتنه تعیینی بکلورلردی.

ایشته مطبوعات مصریه بی هفته لردنبری کمال تأثر و تأسف ایله اشغال ایدن و حکومت محلیه، مصر قاضیالغه، مقام معلاى خلافت، مجلس مبعوثانمز ریاسته استمداد کونه یاغدیریلان تلغرافلره بادی اولان، حتی روسیه ده کی دین قرداشلریمیزك باکوده، اورنبورغده نشرایلدکلی غزتهلرده بیله برقاق صحیفه تأثر بولان شو حادئه مؤله دارالخلافه مطبوعاتنده، نه حکمتدر، برعکس صدا براقه مادی. بوبابده کی نشریات برقاق کوچك فقره ایله قارشى یاقده منتشر غزتهلردن مترجم بر ایکی سطرلق حوادث و شهر مزده عربجه انتشار ایدن بعض غزتهلرك سرزنشلردن عبارت قالدی.

حالبوکه بواهانت افکار عمومی اسلامیه پک کران کلپور. ازهر فاجعه سندن طولای بکون عالم اسلامیتک یأس و تأثر شدید ایچنده بولندیغی طرف طرف آلمان مطبوعات اسلامیه محتویاتندن مستبان اولیور.

مجلسمز اعضاسندن برذاتک هر طرفدن ققیح اولنان شو حرکت مہینانه آلت اولمسندن و تخصیص شو چرکین حادئه مدرسه نك ترکلره مخصوص قسمنده اجرا ایدلمسندن و تابعیت اجنبیه بی حائر طلبه نك بو اعترافدن وقایه سی امرنده کی اعتنا و دقتک مطوفی اولان فکرک تضمن ایلدیکی معنای حقارتدن طولای عزت نفس و حیثیت ملی جریحه دار بولیور.

عثمانی تابعیتنده بولنانلرك هر پرده محکوم استخفاف اولسنه قانون اساسیمیزك اعلانی بر نهایت ویره جکنی و شائبه حقارتی ایما ایده جک هر حال و حرکتی حکومتیزك نظر امعاندن دور بولنلر میهرق اک اوزاق بر محله کی اک فقیر بر عثمانلینک بیله حقوقک محترم طوتلمسنى تأمین ایده جک تدابیری اتخاذ ایلجه جکنی امید ایدیوردرک. حالوکه احوال حاضر می کوردجه ذلت و حقارتک بزدن آیرماز بر عرض مستقر اولدیغی، نه دور استبدادده ونه دور حریتده اسلاملرایچون مرجع اشتکا بولنادیغی آکلایورز .. والی الله المشتک ...

احکام اسلامیه و اجتهاد

سارقک الی کسمکده کرک کنديسنه، کرک مال مسروق و مسروق منه عائد و کیفیت ادعا ایله شهادته دائر پک چوق شرائط ایله مشروطدر. بوشرائطک ثبوت و تحقیق نادراً واقع اولمقسه برابر تعیین و اعتباری اجتهاده تابع اولدیغندن تکرر و اعتیاد کی ده بعض شرطلرده علاوه اولونمق ممکندر. فصل که سریع التغیر ما کولات قیلندن اولان شیلرده حد نصابه بالغ اولسه ده امام ابوحنیفه حضرتلری قطعه قائل اولیور.

بو ذات کیم اوله بیلوردی؟ حکومت محلیه بونی بولمقده مشکلات چکمدی، زیرا یانلرنده مصر اوقاف مدیریتله اشتغال ایلدیکی حالده عثمانی مجلس عمومیسنک محترم بر عضوی اولق صفتی دخی محافظه ایتمکده اولان بر ذات واردی که شو صفت هر احتمال قارشى تعقیبات قانونیه مانع اولسه بیله اشکال ایده بیلوردی. باخصوص مدرسه امورینک اوقافه اولان جهت تعلقی بو یولده اله کچمز فرصتلردندی؛ فقط ...

اوت، یالکز بر نقطه حکومت مظلوم کورنیوردی. عجبا خلیل حماده پاشا وطنندن مشهودی اولان آثار توجه و محبت قارشى او وطنک کزیده اولادی علیه آلت شر اولمی قبول ایده جکمدی؟

پاشایه تکلیف واقع اولدینی صیره لرده شبهه یوقکه هب حیتلی وجدانلر دخی بوسئوالی تکرار ایتمش و «عثمانی اعیانی انجق استبداده قارشى اثر شدت کرسیر» جواب وجدانیسیله مطمئن الحاطر اولمشدی. حالوکه وقوعات مع التأسف بویله ظهور ایتمدی. پاشامز جامع الازهره کیتدی. اوزرلرنده کیمسه نك حق ولایتی قالماش اولان وسن بلوغ ورشدی فرسخ فرسخ کچمش بولنان صاچلی صقاللی محترم طلبه علومک فلقیه قونلمسنى امر ایتمدی.

زواللی طلبه ... بر آدمک سفهدن طولای بیله حجری حقوق بشریته تعرض عد ایدرک قبول ایتمیان امام اعظمک اجتهادات عادله، موشکافانه سندن اوکرندکلی فلسفه حقوقیه ایله بومعامله نه غریب تضاد تشکیل ایدیوردی. قوجه متمدنلر! یکرمنجی عصرده انسانیتی فصل تعزیز ایدیورلردی.

خلاصه بوقه هائلده پک چوق حمله قرآن وضعیت بشیعه مشروحه ایله ضرب و تحقیر اولندی. بیچاره لرك قویاردینی و اوایلای استمداد واستغاثیه انجق نظره جری وجسور یرادلش بعض غیرتلی آرقداشلردن بشقه اجابت ایدن اولدی. بولنلرك حرکات مذبحخانه قیلندن اولان معاونتلی ایسه متعرضلرك غیظ و حدتتى ده زیاده تهییج ایتمش و انفعالات نفسانیه لری بو دفعه ده جامع شریفک هتک حرمتی جهته اونلری سوق ایلمشدی.

قوة عسکریه نك حمایه سی آلتیه کیرمش اولان متعرضلر آرتق صفت تابعیتی مأمون الغائله اولان طلبه نك کافه سنه بو جزای خود سرانه بی تطبیقه یأس کورمدیلر. زیرا بوخصوصده پاشا واعوانی کندیلرینی لایسئل عد ایدیورلردی. طوغری یا! بیچاره لرك حقوقی بولنلردن کیم صوراجقدی؟ مصر حکومت محلیه سیمی؟ پاشا اجرا آلتی اونلره اضافه یاییوردی.. مدعی عمومیلک مقامیمی؟ افسوس اومقامی وظیفه باشنده کوره ییلمک ایچون بر «دانشوای» حادئه سی لازمدی. مقام معلاى خلافتی؟ اسلاملره تعلق ایدن مسائلده کی وضیت ساکتانه سی آرتق آکلاشیلما مشمی ایدی؟.. عثمانی مجلس عمومیسمی؟ متعرض او مجلس اعضاسندن دکل ایدی؟ نه حاجت وقعه تحدث ایدلی بوقدر زمان اولدیغی حالده مجلس مستلزم عار اولان بو حرکتدن تبری جهتنی

حالبوکه ائمه سائره قطع ایدیورلردی . دها بویله جای اختلاف اولان مسائل چوقدر .

کذلک عام رمادهده ، معروف بر قحط وغلا سنهسنده حضرت عمر رضی الله عنه — استیلا ایدن شدت جوع و ضرورت حسیله — حد سرقت اجراسنی منع بیورمشیدی . امرای مسلمین بمضاده محاربه اثناسنده مجاهدین حقارنده حدود شرعی اقامهسنی تعطیل ایدرلردی . ازجهه سعد بن ابی وقاص حضرتلری ایران غزائنده سرعسکرلکی اثناسنده « ابی محجن » نامذاته حدشرب اقامهسنی مناسب کورمهمشدی . چونکه مومالیله او هنکامده قوم فرسه قارشى بویوک برداکارلق ابراز ایتش ، عساکر اسلامییهی کرتار اوله جقلری بر مغلوبیتدن قورتارمش ایدی . بومعاملات هپ مراعات مصالح مقصدیله واقع اولور ایدی . ادوار اخیرده دخی کیم بیلیر نه درلو ملاحظات مانع اجراآت اولمشدر . مثلاً برشاهده خطاباً « اگر سن اونى ثوبکله ستر ایتش اوله ایدک بورایه کلوب افشای عیب ایتمه کدن دهاخیرلی اولوردی » بیورلمسندن ، کذلک حکام وامرایه خطاباً وارد اولان « ادرؤا الحدود بالشبهات » حدیث شریفندن شارعک تشریع حدوددن مقصدی محض زجر اولسنی فهم ایتکده باعث تائی اوله بیلیر .

کذلک دولت وملتک اسکی قوت وسطوتی حائر اولماسنه بناءً بوتون صنوف تبعیه تشمیلیله مساواته رعایت ممکن اولماسی ده موانع طبیعی دن عد اولنمقدهدر .

بوجهتلرک بشایان تدقیق اولدینی قابل انکار دکلدر .

شرع وقانون

شرع شریف ایله قانون بیننده دائره شمول واستناد اعتباریله فرق مهم اولدینی درکاردر . احکام شرعیه نیک — معلوم اولدینی اوزره — ادله اربعه دن برینه مستند بولمنی ضروریدر . احکام سیاسی وقضائیه نیک اکثریتی بویله در . فقط بوتون احکامک بر قسمی مصالح عصریه تطبیق لزومه منی اولی الامرک ، ارباب حل وعقدک اجتهاداتنه تفویض بیورلمشدر .

حدود شرعیه خارجنده ، تعزیر تعبیر اولونان تأدیهات جزائیه درجانه ، صنوف حکام وامرای جیوشک صورت اداره وترتیب وظائفه واموال امیرییه جنایت وتحصیل ودها بومقوله تصرفاته دائر معاملات نظامیه کی . . ایشته بونلره متعلق مصالح زمانیه موافق قانونلر تنظیمی اولی الامرک صلاحیتی داخلندهدر .

هویت قانونک مدار استنادی آرای رجال اولوب شرع شریفه مابین اولماقی شرطیله واجب الاتباعدر .

احکام شرعیه ایله عمل علی الدوام واجب اولوب اخف ضررینی ارتکابه ملجی بر عارضیه تصادف ایدلکجه مخالفت مشروع دکلدر . حکم قانونی ایسه محض استحسانه بناءً ترک وتبديل اولونه بیلیر . مثلاً بر مصلحت مطالعه سیله ورتهدن برینک سهمی تزئید اولونه ماز . فقط بر راتب عامل ، بر مأمور معاشی تزئید ویاتنقیص ایدیله بیلیر .

چونکه سهام ورثه شرعاً تقدیر اولمش بر امر لایتغیردر . مرتزقه نفقاتی ، معیشت عمال ایتسه قانونه تابعدر .

حکم قانونیک مشروعیتی ، لزوم مرعیتی ایجاباً وسلباً بر طاقم شرائط ایله مقیددر . شرائط ایجابیه سی : حقوق باینده عدل ومساواتی کوزتمک واربابی طرفندن بالاستشاره تأسیس ایدلک ، جاب مصالح ودرء مفاسد قاعده حکمانه سنه مراعاتده بولنق کی . شرائط سلبیه ده : تحریم حلال وتحلیل حرامی متضمن اولماقی ، واضع قانون کنیدی نفسی ومنسوب اولدینی قوم وقبیله یی سائرلردن تمیز ایتمهک وشخصاً ویانوعاً ظلم وغدره توسل ایدلمهک کی شیلدر .

شو ایضاحاتمزه تبین ایدیورکه شرعک مساعد بولندینی قانون ایله حکم ایتک مغایر دیانت اولماقدن باشقه بعضاده وظائف شرعیه جهلسندن معدود اولور . واقعاً نظر سطحی وتوهم دائرهسنده قالانلرک « ومن لم یحکم بما انزل الله فاولئک هم الظالمون » نظم جلیلی ایله بوحقائقه قارشى اعتراضه یاتندکلری ایشیدلمکدهدر . چونکه بونلر ظن ایدیورلرکه « ما انزل الله » ایله حکم قرآن کریمک محتوی اولدینی احکام صریحه ایله حکمدن عبارتدر . حالوکه حکم مشروعک بوکا انحصاری ادعا اولندقدنه بی نهایت وقایع بشریه حکمسز بر اقلملق لازم کلیر . دیمک حقیقت حال بوظاهر پرست بی مغزانک توهم ایلدکلری مرکزده دکلدر .

خارجنه چیقانلرک بلاشبهه ظالم عد اولنملری ایجاب ایدن « حکم بما انزل الله » عدالت ایله حکمدر . اوت ! جناب حقلک انزال وامر بیوردینی حکم « واذا حکمت بین الناس ان تحکموا بالعدل » نص عالیسی شهادتیه هر نه صورتله اولورسه اولسون محافظه عدل وحقانیتدر . « هو الذی انزل علیک الکتاب بالحق والمیزان » نظم جلیلی ده بوحقیقتی ناطقددر . چونکه جناب باری عزشانه ، الی یوم القیام حادث اوله جق وقائع خصوصیه عددنجه آیات قرآنییه انزال ایدوبده بونلرله حکم ایده جکسکز بیورمامشدر . بلکه — مقاله سالفه مزده ایما اولونان — قواعد اساسیه ایله برطاقم احکام واقضیه دن عبارت بر میزان صحیح عنایت قلمش اولوب بوسایه ده علمامن بوتون حوادث جاریه ده اقامه معدلت احکامی تاسیسه موفق اولمشدر .

کتاب اللهده وارد سنت نبویه ایله ثابت اولان هر حکم شرعی عین حق ومحض عدل اولدینی شبهه کوتورمز . فقهای مذاهبک استنباط ایلدکلری احکام اجتهادییه بعض مرتبه اختلافات وقوع بولمشدر . بواختلافلرک منشائی عریض وعمیق تدقیق اولونه رق دفع وازاله سی چاره سنه باقی ، بوتون احکام معاملاتی مصالح عصره کوره تعیین وترجیح ایتک علمای اسلامک الک زیاده همت وایفاسنه غیرت ایتلری ایجاب ایدن بروظیفه عالییهدر . زیرا وخذت اسلامییه وتامین استقبال امت باشقه صورتله قابل دکلدر .

(تنبیه) شریعت الهیه بزه علی الاطلاق محافظه عدالتی امر ایتمکدهدر ، دیورز . اوت ! فی الواقع بویلهدر . مقصود بالذات

اولان معامله خصمینک برینه میل ایتیه رک ، هیچ برطرفک نفعی کوزتمیه رک هر نه صورتله اولورسه اولسون حقه توسل و اجرای عدالتدن عبارتدر . بومقصد محافظه اولوندینی تقدیرده زمان و مکانک دخل و تأثیری ، ترقیات بشریه نک ایجاب طبعیسی ایله اصول محاکماتک تبدل و تنوع ایتسند برمحذور مطالعه اولونه ماز ظن ایدرز .

مثلاً ایکی متهم شخصک یالکزجه موقوف بولونقلری محله بر فونوغراف قونوبده مرتکب اولدقلری جنایتک کیفیت وقوعه ، ونه صورتله وادی انکارده بولونه جقلرینه دائر مکالمه لری ضبط اولونسه او واسطه ایله استماع اولونان اقرار و افاده لری اوزرینه حقیقت حالک صورت قطعیده ثبوت بوله جنی آشکاردر .

حد ذاتنده شهیددن خالی اولیان شهادت شهود ایله حکم امر مشروع اولدینی حالده بو طریق ایله ثابت اوله جق حق و حقیقتک نظر مطالعیه آلمامسی موافق شرع بر حرکت عد اولنق نزد اولی النهاده غایت مستبعددر .

شرع انورک علی الاطلاق محافظه عدالت و احقاق حقوقی توصیه ایتکده اولسنه بناء ائمه فقهانک برچوخی اقامه ینه قابل اولمادینی تقدیرده حاکم کنیدی علم و اطلاعنی مدار حکم قلمسنی تجویز ایتشدردر .

امام شوکانی رحمه الله بومسئلهیه دائر بر مقاله نفیسه لینی بوجه آتی نقل ایدیوروز . مشارالیه ، قاضی کنیدی علمنی مدار حکم قلمسی جوازنده کی اقوال علمانی حکایه ایتدکن صوکر مسئله مذکورنک تحقیق مقصدیه شویله دیشدر :

« اکر شارعک ینه ویمین کی اسباب حکم قلدینی شیلر محضا امور تعبیه ایسه یعنی اسباب مذکورن دن دها قوتلی دلائل و امارات ایله بزه یقین حاصل اولدینی حالده آکلاویه جمیز بر سرو حکمته مبنی حکم و قضایه غیر مأذون بولنمقلغمز امر متحتم فرض قلنه جق ایسه اونر ایله تقدیمز امر ضروری اوله جنی ، بشقه بر طریق ایله حکم جائز اوله میه جنی آشکاردر .

اما حقیقت حال بوموال اوزره اولیوبده اسباب مذکوره حاکمک محق اولانی مبطلدن ، مصیب اولانی مخطیدن تفریقه بقدر الامکان توسل ایدمبیله جکی بر نوع و سائط ، تعبیر آخرله ، حاکم ایچون حصولی مطلوب اولان علم و یاظن تحصیلنه کافی اوله جق برر طریق معقول عد اولونمش ، مجرد بوندن طولانی مشروع قلنمش اولورلرسه آنلرک هیچ بری لذاته مقصود اولیه جفته مبنی لدی الايجاب حاکمک بالذات مشهود و معلومی اولان شیئه دائره حکم ویره بیلیمسی اولویت طریقیه جائز و مشروع اولق لازم کلیر .

چونکه مثلاً حضور حاکمه ایکی شاهدک شهادتده بولونمسی مشاهده و احساس ایله تحقق ایدم جک علم حاکم مرتبه سنه بالغ ، اودرجه قوتلی بر علم حصوله کتیرمه جکی بی اشتباهدر .

کرک مدعینک اقامه ینه سی ، کرک منکرک یمین ایتمه سی حکم حاکمه

کافی کورولسیله برابر حقیقت حاله جزم و یقین افاده ایتمه سنه بناء کتب ستنک کافه سنده مذکور بر حدیث شریفده « انما انا بشر وانکم تحتصمون الی فعلل بعضکم ان یكون الحن بحجته فاقضی له بنحو ما سمع من قضیت له من حق اخیه شیئاً فلا یأخذہ فانما اقطع له قطعه من النار » بیورلمشدر . یعنی « بن آنجق بشرم ، هر شیئه مطلع اوله مام . سزده بکا مراجعتله مخاصمه ده بولونیورسکیز . اوله بیلیرکه ایچیکزدن بعض کیمسهر خصمنندن افصح اولوب حجتی دها کوزل تقریر و افاده ایدر . بنده ایشتدیکم منوال اوزره لهنه قضا ایدرم . ایدمی هر کیمک ایچون بو طریق ایله برادرینک حقنده بر شیئی قطع ایتش اولور اونی آلماسون . چونکه کنیدیسیچون نارحمیدن برقطه افراز ایتش اولورم » بو حدیث شریف ایله قضانک باطناً دکل ، ظاهراً نافذ اولسنه استدلال اولنمقدهدر .

اوقدر قوی و قطعی اولیان بر طریق ایله حاصل اولان علم معتبر اولورده اونک قات قات فوقنده بولنان علم معتبر اولمازی ! دها آجیق سویلیهلم : خطا اولق ، نفس الامر مطابق بولنماق احتماله معروض اولان حکم حاکم مشروع عد اولنورکن علم یقینییه استنادی حسیله حق و صواب اولسی مقطوع اولان حکملر مشروع عد اولنماق مسموع اولورمی ؟

بویله بر طریق ایله حکم ایدن حاکم قسط و عدالت ایله حکم ایتش اوله جفندن هر نه صورتله اولورسه اولسون حکم بالعدلی اساس اتخاذ ایدن شرع شریف نظرنده ممدوح اوله جنی امر آشکاردر .

مناسرتی اسماعیل مرقی

جانب قرآنی

سوره نور آیت - ۳۲

« وانکحوا الایامی منکم والصالحین من عبادکم و امائکم ان یکنوا فقراء یغنهم الله من فضله والله واسع علیم » .

[جناب منزل الفرقان سفاحدن وانک قریب و بعید مبادیسندن زجر و منع بیوردقدن صکره بو آیت کریمده نکاحی امر ایدیور . چونکه نکاح نوع بشرک بقاسنه مناط اولق اعتباریه مقصود بالذاتدر ، بونکله برابر سفاحدن وانک قریب و بعید مبادیسندن زاجر و مانع بر خیردر . بو حکمته مبنی بیورلیورکه] سزدن زوج و زوجه سز بولنلری و کوله و جاریه لریکزدن صلاح حاللری اولانلری آخره تزویج ایدک [زوج و زوجه لری اولیان حر و حرملری و صلاح حاللری اولان کوله و جاریه لریکزی اولندیرک] . اکر فقیر ایسه لر الله انلری فضل و کریمه غنی ایدر [خاطبک و یا مخطوبه نک فقر و فاقه سی زنه ار منا کحیه مانع طوتلمسون] . الله واسعدر [جناب حق غنی ذی